




T2721.7/2244 (11)

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
MAR 5 1940







如生事之儀是日 上及皇太子詣王俱於殿前
致告說射奉神土置奠與中中官奉冊寶案前行由廟門
樂作百官祭服前導法仗奉引至新廟門冊寶神與自中
門入 上與皇太子奉神土置于各座以皇伯考壽春王
并王死二十一位南于東廡功臣開平忠武王等一十二
位配于西廡享祭禮畢以次奉神土於殿殿各室自是四
時之祭皆行合享之禮

十一月辛巳朔壬午冬至祀昊天上帝于圜丘

十二月庚戌朔己卯享太廟

洪武十年春正月庚辰朔乙酉享太廟

如生事之儀是日

上及皇太子諸王俱

冕服詣廟藏

致告訖躬奉神主置鸞輿中中官奉冊寶案前行出廟門
樂作百官祭服前導法仗奉引至新廟門冊寶神輿自中
門入 上與皇太子奉神主置于各座以皇伯考壽春王
并王妃二十一位侑于東廡功臣開平忠武王等一十二
位配于西廡享祭禮畢以次奉神主於寢殿各室自是四
時之祭皆行合享之禮

十一月辛巳朔壬午冬至祀昊天上帝于圜丘

十二月庚戌朔巳卯享太廟

洪武十年春正月庚辰朔乙酉享太廟○遣官祭功臣于

雞籠山廟

二月巳酉朔遣官祀歷代帝王凡十七位爲五室共設酒尊三千殿之東南西向用祝一設于神之右初獻畢讀祝餘禮儀仍舊祝文曰 皇帝謹遣具官某致祭于太昊伏羲氏炎帝神農氏黃帝軒轅氏帝金天氏帝高陽氏帝高辛氏帝陶唐氏帝有虞氏夏禹王商湯王周武王漢高祖皇帝漢光武皇帝隋高祖皇帝唐太宗皇帝宋太祖皇帝元世祖皇帝曰昔者奉天明命相繼爲君代天理物撫育黔黎彝倫攸叙井井繩繩至今承之生民多福思不忘報特祀以春秋惟帝英靈來歆來格尚享○庚戌祭太歲風

雲雷雨嶽鎮海瀆山川月將城隍諸神○遣大都督府官祭旗纛○壬子遣官享先農命應天府官率農民耆老陪祀其陳設正配位各用登一釧二餘牲幣器物並與二年祭先農同其儀祭日樂舞生就位獻官陪祭官執事官各就位典儀唱迎神協律郎舉麾奏永和之曲獻官陪祭官皆四拜典儀唱奠帛行初獻禮獻官詣盥洗位搢笏盥帨出笏協律郎舉麾奏永和之曲武功之舞獻官詣酒尊所執事者以爵受酒獻官詣先農神位前跪搢笏奠帛獻爵出笏讀祝官取祝跪讀訖獻官俯伏興平身詣后稷神位前如上儀但無祝復位典儀唱行亞獻禮協律郎舉麾奏

壽和之曲文德之舞執事官各以爵受酒獻于神位前典儀唱行終獻禮協律郎舉麾奏壽和之曲文德之舞儀同亞獻典儀唱飲福受胙獻官詣飲福位跪搢笏執事者以爵進獻官飲福酒執事官以胙進獻官受胙出笏俯伏興平身復位再拜陪祭官皆再拜典儀唱徹饌協律郎舉麾奏壽和之曲執事者各詣神位前徹饌典儀唱送神協律郎舉麾奏永和之曲獻官陪祭官皆四拜典儀唱讀祝官捧祝掌祭官捧帛饌各詣瘞位唱望瘞協律郎舉麾奏永和之曲獻官詣望瘞位禮畢其祝文曰 皇帝謹遣具官某致祭于先農之神惟神初興農事乃種嘉穀爲民立命

萬世永賴今將東作親耕籍田謹以牲醴庶品用修常祀以后稷氏配其樂章與二年二月祭先農正位同但不奏進俎曲又送神曲冕衣在列改爲冠裳在列云○癸丑朝日○丁巳遣御史大夫汪廣洋釋奠于先師孔子○戊午祭大社大稷

夏四月戊申朔巳酉享太廟

五月戊寅朔甲申夏至祭 皇地祇于方丘

六月丁未朔乙亥命大臣十八人分祀嶽鎮海瀆韓國公李善長祀中嶽魏國公徐達祀北嶽曹國公李文忠祀東嶽宋國公馮勝祀西嶽江夏侯周德興祀南嶽吉安侯陸

仲亨祀東鎮延安侯唐勝宗祀西鎮江陰侯吳良祀南鎮
濟南侯顧時祀北鎮平江侯費聚祀中鎮陸安侯王志祀
東海營陽侯楊璟祀西海永嘉侯朱亮祖祀南海潁川侯
傅友德祀北海宜春侯黃彬祀江瀆南安侯俞通源祀河
瀆中山侯湯和祀淮瀆宣寧侯曹泰祀濟瀆制曰天生民
而立君君爲民而立命百神之祀乃國家之先務也朕與
卿等當羣雄角逐之時戰勝攻取非天地之昭鑒嶽鎮海
瀆之效靈安得至是今孟秋在邇嶽鎮海瀆之祀理宜報
祭古者人君巡守則祭名山大川於各方嶽之下今朕國
家新造民生始遂未獲親往特命卿等代朕以行汝往欽

哉

秋七月丁丑朔己卯享太廟○辛卯遣官祭功臣于雞籠
山廟

八月丁未朔遣官釋奠于先師孔子○戊申祭大社大稷
○癸丑命改建社稷壇先是 上旣改建太廟於雉闕之
左而以社稷國初所建未盡合禮又以大社大稷分祭配
祀皆因前代之制欲更建之爲一代之典遂命中書下禮
部詳議其制至是禮部尚書張籌奏曰臣等奉詔考社稷
配祀合祭分祭之制及社主之設謹按通典顓頊祀共工
氏之子勾龍爲后土后土爲社烈山氏子柱爲稷稷田正

也高辛唐虞夏皆因之周棄亦爲稷自商以來祀之此社稷之祀所由始也商湯以旱而遷社以后稷代柱欲遷勾龍無可繼者故止然王肅爲社稷勾龍稷祭后稷皆人鬼非地鬼而陳氏禮書又謂社所以祭五土之神所以祭五穀之神鄭康成亦謂社爲五土總神稷爲原隰之神勾龍以有平水土之功故配社祀之稷以有播種之功故配稷祀之二說爲不同漢元始五年以夏禹配食官社后稷配食官稷唐宋及元則又以勾龍配社周棄配稷蓋本鄭氏之說此配祀之說緣于古昔初無一定之論也至于社稷分合之義書召誥言社于新邑孔氏註曰社稷共牢又

封人掌設王之社壇註云不言稷者舉社則稷從之如是則當時社與稷固已合而一之矣陳氏禮書曰稷非土無以生土非稷無以見生生之效故祭社必及稷以其同功均利而養人也而山堂考索則曰土爰稼穡其本一也社爲九土之尊稷爲五穀之長稷生于土則社與稷不可岐而二之矣又曰祭主乎誠而已誠苟不至分祭何益是則社稷之祭合而一之于古自有明證也至于壇位則考之周制小宗伯掌建國之神位右社稷左宗廟起大事動大衆必先告于社而後出其制在中門之外外門之內尊而親之與先祖等漢建官大社大稷光武立大社稷于洛陽

在宗廟之右唐因隋制建于含光門之右大抵皆本成周左祖右社之意社主之設周禮大司徒設其社稷之壇而樹之主各以野之所宜木名其社小宗伯立軍社鄭氏註社主用石爲之蓋以石者土地所生最爲堅實故也論語哀公問社于宰我宰我對曰夏后氏以松殷人以栢周人以栗朱子云觀古人意正以樹爲主如今人稱神樹之類又曰社有主而稷無主此不可曉恐不可以已意增添唐神龍中議立社韋叔夏引鄭玄議以爲社主用石韓詩外傳云天子社主長五尺方二尺郟其上以象物生方其下以象地體埋其半以象根在土中而本末均也宋初祭社

稷正配位用神位版太社又以石爲主其形如鍾長五尺方二尺郟其上培其下半其中植槐是則木主石主前代蓋兼用矣今擬社稷合祭共爲一壇皆設木主而丹漆之祭則設于壇上祭畢收藏仍用石主埋壇之中如唐宋之制至於以勾龍配社以棄配稷棄雖唐虞農官而勾龍共工氏之子也祀之無義商湯欲遷之而未果漢嘗易以夏禹而夏禹今已列祀帝王之次棄稷亦配享先農請罷勾龍與棄配位謹奉 仁祖淳皇帝配享大社大稷以成一代之盛典以明祖社尊而親之之道 上覽奏稱善遂命改作社稷壇于午門之右其制社稷共爲一壇壇二成上

廣五丈下如土之數而加三尺崇五尺四出陛築以五色土色如其方而覆以黃土壇四面皆甃以甃石主崇五尺埋壇之中微露其末外墻牆崇五尺東西十九丈二尺五寸南北如之設靈星門於四面墻牆各飾以方色東青西白南赤北黑外爲周垣東西廣六十六丈七尺五寸南北廣八十六丈六尺五寸垣皆飾以紅覆以黃琉璃瓦垣之北向設靈星門三門之外爲祭殿以虞風雨凡六楹深五丈九尺五寸連延十丈九尺五寸祭殿之北爲拜殿六楹深三丈九尺五寸連延十丈九尺五寸拜殿之外復設靈星門三垣之東西南三向設靈星門各一西靈星門之內

近南爲神厨六楹深二丈九尺五寸連延七丈五尺九寸又其南爲神庫六楹深廣如神厨西靈星門之外爲宰牲房四楹中爲滌牲池一井一○丙辰夕月○戊午遣官祭歷代帝王○巳未祭太歲風雲雷雨嶽鎮海瀆山川月將城隍諸神○遣官祭旗纛

九月丙子朔庚寅祭周天星辰

冬十月丙午朔新建社稷壇成先是禮部尚書張籌等奏天地社稷宗廟崇敬之禮一也故書稱成湯顧諟天之明命以承上下神祇社稷宗廟罔不祇肅後世列爲中祀失所以崇祀之意至唐升爲上祀國朝之初仍列中祀而臨

祭之服或具通天冠絳紗袍或以皮弁行禮制未有定今既考用古制右社稷左宗廟有事社稷則奉 仁祖皇帝配其禮重矣宜升為上祀具冕服以祭 上是之至是行奉安禮 上冕服乘輅百官具祭服詣舊壇以遷主告祭行一獻禮畢執事起石主昇之具儀衛作樂百官前導上乘輅至新壇執事奉安石主於壇上別設木主於神位具牲醴庶品行奉安禮升為上祀奉 仁祖淳皇帝配○巳酉享太廟

十一月乙亥朔丁亥冬至始合祀天地于奉天殿祝文曰禮以義起貴乎情文兩盡曩者建國之初遵依古制分祀天地于南北郊周旋九年於心未安誠以人君者父母天地仰覆載生成之恩一也及其嚴奉禋祀則有南北之異揆以人事人子事親曷敢異處竊惟典禮其分祀者禮之文也其合祀者禮之情也徒泥其文而情不安不可謂禮方改建祀殿功未就緒今朝堂適成時當冬至謹合祀于殿廷自今以春首合祀于南郊永為定禮謹奉 皇考仁祖淳皇帝配惟 上帝 皇地祇鑒之 十二月乙巳朔癸酉享太廟

洪武十一年春正月甲戌朔乙亥以封建諸王遣使祭蜀湘諸國山川○戊寅享太廟

二月甲辰朔丁未遣官釋奠于先師孔子○戊申祭大社
大稷前祭二日詣奉先殿告 仁祖淳皇帝配神祭日陳
設大社在東大稷在西俱北向 仁祖淳皇帝在東西向
大社大稷位各用犢一羊一豕一登一鉶二邊豆各十二
簠簋各二玉用兩圭有邸帛一黑色 仁祖配位同不用
玉共設酒尊三于壇之西北東向爵九玉帛篚二帛篚一
祝文一其儀典儀唱樂舞生就位執事者各司其事 皇
帝詣盥洗位摺圭盥手出圭就位典儀唱瘞毛血唱迎神
奏樂樂止內贊奏四拜百官同典儀唱奠玉帛行初獻禮
奏樂執事官以爵受酒 皇帝詣大社神位前摺圭執事

官以玉帛跪進 皇帝奠玉帛執事官以爵跪進 皇帝
獻爵出圭次詣大稷神位前次詣 仁祖淳皇帝神位前
俱如前儀詣讀祝位跪讀祝官以祝跪讀訖 皇帝俯伏
興平身復位樂止典儀唱行亞獻禮奏樂 皇帝詣大社
神位前摺圭獻爵出圭次詣大稷神位前次詣 仁祖淳
皇帝神位前俱如前儀復位樂止典儀唱行終獻禮儀同
亞獻畢典儀唱飲福受胙 皇帝詣飲福位摺圭光祿司
官以爵進 皇帝受爵飲福酒光祿司以胙進 皇帝受
胙出圭俯伏興平身復位四拜百官同典儀唱徹饌奏樂
樂止唱送神奏樂 皇帝四拜百官同樂止讀祝官捧祝

掌祭官捧帛饌各詣瘞位 皇帝詣望瘞位內贊奏禮畢
祝文曰惟神贊輔皇祇發生嘉穀粒我蒸民萬世永賴時
當仲春禮嚴告祀謹以玉帛牲齊粢盛庶品備茲瘞祭以
皇考仁祖淳皇帝配神其樂章迎神云余惟土穀兮造
化功爲民立命兮當報崇民歌且舞兮候迓迎想神來兮
祥風生欽當稽首兮告年豐初獻云氤氳合兮物遂蒙民
之立命兮荷陰功余將玉帛兮薦微衷初斟醴薦兮民福
洪亞獻云余令樂舞兮再奉觴願神昭格兮軍民康思必
穆穆兮靈洋洋感厚恩兮拜祥光終獻云干羽飛旋兮酒
三行香烟繚繞兮雲旌幢余今稽首兮欣且惶神顏悅兮

霞彩彰徹饌云粗陳微禮兮神喜將琅然絲竹兮樂舞揚
願祥普降兮遐邇方蒸民率土兮盡安康送神云氤氳氳
氳兮祥光張龍車鳳輦兮駕飛揚遙瞻稽首兮去何方民
福留兮時雨暘望瘞云奉殽羞兮詣瘞方鳴鸞率舞兮聲
鏗鏘思神納兮民福昂余今稽首兮謝恩光○辛亥遣官
祀歷代帝王○壬子祭太歲風雲雷雨嶽鎮海瀆山川月
將城隍諸神○遣官祭先農及旗纛○戊午朝日○癸亥
命皇太子詣中都祀 皇陵中書右丞相汪廣洋從 上
謂皇太子曰自古帝王之興皆祖宗積德深厚格于皇天
鍾吉聚慶乃生帝王以主天下傳世無極朕仰承 天命

撫馭萬方實由我 祖考以來積德所致每懷陵寢瞻望
中都悲感無極今命爾往修孝祀禮曰致愛則存致慈則
著爾其敬恭乃事毋怠毋忽庶幾精神感通神靈來格太
子頓首受命而行

夏四月癸卯朔巳酉享太廟○戊午永嘉侯朱亮祖奏安
東沐陽二縣之野有鬼民人暮驚御製敕文遣使諭祭之
曰明有禮樂幽有鬼神此前聖格言然國之有祀以爲民
也祀不爲民則非也若庶民之宜祀者止於祖宗非祖宗
而祀之豈特非禮之宜神亦不享也且嶽鎮海瀆山川之
神載之祀典者莫不承上帝后土之命以司福善禍淫之

權若禍福倒置不愜民心且將獲戾于天矣尚惡得謂之
神乎朕思鬼神之鑒人雖毫髮不可僞特其變化神妙而
人不之測耳今洪武十一年四月十四日永嘉侯遣人奏
安東沐陽二縣民人暮驚謂野有持夜炬者數百或成列
或四散巡檢逐之無有也擊之若有應之者朕不能盡信
特遣人致牲醴會鬼神而敕問之夫中原之地自有元失
政生民塗炭死者不可勝計有絕宗覆嗣者有生離父母
妻子而死于非命者爾持炬者豈無主之孤魂而欲人之
祀歟父母妻子之永隔而有遺恨歟無罪遭殺而寃未伸
歟或有司怠于歲祀而有忿歟四者必有一焉朕以四事

問爾爾果何爲而然歟朕自即位以來事神之禮未嘗缺也然非當祀者亦不敢佞爾持炬者宜禍其宜禍者而福其應福者勿妄爲民害自貽天憲

六月辛丑朔壬子遣使致祭故元幼主于沙漠○上以凡祭祀大祀中祀用制帛外其小祀又有用楮錢者其事出于近代甚爲不經命禮部議之禮部議曰按周禮大祀用玉帛次祀用牲幣小祀用牲今議在京大祀中祀俱宜用幣在外王國及府州縣祀典神祇亦如之其餘小祀只用牲醴○壬戌禮部奏京都大社大稷旣同壇合祭其王國各府州縣仍用舊制於禮未一今議亦合同爲一壇神

主皆依京制用石主埋于壇南木主二祭則設之祭畢收藏其配位舊以勾龍配社后稷配稷今大社大稷旣奉仁祖淳皇帝配其王國府州縣無可配者難設配位今議王國社宜稱國社之神稷宜稱國稷之神府則稱府社府稷州則稱州社州稷縣則稱縣社縣稷從之命頒其制于天下

秋七月辛未朔丁丑享太廟○遣官祭功臣于雞籠山廟八月庚子朔壬寅遣官祀歷代帝王○癸卯祭太歲風雲雷雨嶽鎮海瀆山川月將城隍諸神○遣官祭旗纛○丁未遣官釋奠于先師孔子○戊申祭大社大稷○辛酉夕

月
九月庚午朔甲申祭周天星辰○庚子復遣使吊祭故元
嗣君于沙漠

冬十月庚子朔丁未享太廟○乙丑大祀殿成初郊祀之
制冬至祭天于圜丘在鍾山之陽夏至祭地于方丘在鍾
山之陰至是即圜丘舊址建大祀殿十二楹中四楹飾以
金餘施三采正中作石臺設上帝皇祇神座于其上
每歲正月中旬擇日合祭上具冕服行禮奉仁祖淳
皇帝配享殿中殿前為東西廡三十二楹正南為大祀門
六楹接以步廊與殿廡通殿後為庫六楹以貯神御之物

名曰天庫皆覆以黃琉璃瓦設厨庫于殿東少北設宰牲
亭井於厨東又少北皆以步廊通道殿兩廡後繚以周墻
至南為石門三洞以達大祀門內謂之內壇外周垣九里
三十步石門三洞南為甬道三中日神道左曰御道右曰
王道道之兩旁稍低為從官之道齋宮在外垣內之西南
東向於是勅太常曰近命三公率工部役梓人於京城之
南創大祀殿以合祀皇天后土冬十月告功已成特
命禮部去前代之祭期以歲止一祀古人祀天於南郊蓋
以義起耳故曰南郊祀天以其陽生之月北郊祭地以其
陰生之月孰不知至陽祭之於陰月至陰祭之以陽月於

理可疑且掃地而祭其來甚遠蓋言祀天地尚實而不尚華後世執古而不變遂使天地之享反不及人之享若使人之享亦執古而不變則當汗尊而杯飲茹毛而飲血巢居而穴處也以今言之世界可行乎斯必不然也今命太常每歲合祭天地於春首正三陽交泰之時人事之始也其後大祀殿復易以青琉璃瓦云

十一月庚午朔西蕃屢寇邊命西平侯沐英爲征西將軍率都督僉事藍玉王弼將京衛及河南陝西山西馬步官軍征之上自爲文告祭嶽瀆山川旗纛諸神曰曩者兵爭日久老幼顛連少壯奔逼其苦甚矣當是時賢愚思治

感昊穹

上帝好生命予平禍亂育蒸黎顧惟無能實賴神佑今者禍亂已平十有一年矣惟西戎密邇邊陲歲常肆侮特命西平侯沐英都督僉事藍玉王弼等率兵致討惟神有靈尚克相之

十二月己亥朔戊辰享太廟

洪武十二年春正月己巳朔己卯合祀天地於南郊大祀殿命魏國公徐達及公侯等分獻日月星辰嶽鎮海瀆山川諸神凡一十七壇正殿三壇 昊天上帝 皇地祇壇俱南向 仁祖配位壇西向丹陛之東爲壇曰大明西向其西爲壇曰夜明東向兩廡爲壇各六星辰之壇分設於

東西星辰之次東則太歲次五嶽次四海西則風雲雷雨
次五鎮次四瀆天下山川神祇為壇二分設于海瀆之次
各壇陳設仍舊儀但 仁祖配位玉用蒼璧太歲風雲雷
雨酒盞各十東西廡各共設酒尊三爵一十八于壇之南
前期 皇帝致齋五日前祭二日太常司同光祿司官詣
壇省牲至日奠玉帛進俎三獻酒俱先詣 上帝神位前
次詣 皇地祇神位前次詣 仁祖淳皇帝神位前餘悉
仍舊儀其祝文云嗣天子臣某敢昭告于 昊天上帝
后土皇地祇時維孟春三陽交泰敬率臣僚以玉帛犧齊
粢盛庶品恭祀于大祀殿備茲燎瘞 皇考仁祖淳皇帝

配神禮畢詔旦駕還御奉天殿百官行慶成禮宴羣臣于
奉天殿是祭也自齊誓百官至將祭之夕天宇澄霽升壇
星緯昭煥祥飈慶雲光彩燁煜 上心甚悅禮成勅中書
省臣胡惟庸等曰立綱陳紀治世馭民斯由上古之君至
今相承而法則焉凡有國者必以祀事為先祀事之禮起
于古先聖王其周旋上下進退奠獻莫不有儀然儀必貴
誠而人心叵測至誠者少不誠者多暫誠者有之若措禮
設儀文飾太過使禮煩人倦而神厭不享非禮也故孔子
曰禘自既灌而往者吾不欲觀之矣朕周旋祀事十有一
年見其儀太繁乃以義起更其儀式合祀社稷既祀神乃

歡今十二年春始合天地大祀而上下悅若有勝蠻荅於
朕心爾中書下翰林令儒臣紀其事以彰上帝皇祇
之昭格而錫黔黎之福朕與卿等尚夙夜無怠以荅神
明之休祐焉○巳丑享太廟

二月戊戌朔癸卯祭太歲風雲雷雨嶽鎮海瀆山川月將
城隍諸神○遣官祭先農及旗纛○丁未命丞相胡惟庸
釋奠于先師孔子○戊申祭大社大稷○建神樂觀上
以道家者流務爲清淨祭祀皆用以執事宜有以居之乃
命建神樂觀于郊祀壇西○甲子朝日

夏四月丁酉朔享太廟

秋七月乙未朔享太廟○遣官祭功臣于雞籠山廟以海
國公吳禎等百九十三人祔

八月甲子朔丁卯遣官釋奠于先師孔子○戊辰祭大社
大稷○乙亥遣官祀歷代帝王○丙子祭太歲風雲雷雨
嶽鎮海瀆山川月將城隍諸神○遣官祭旗纛○巳卯夕
月

九月甲午朔壬寅祭周天星辰

冬十月甲子朔享太廟

十二月癸亥朔壬辰享太廟

洪武十三年春正月癸巳朔癸卯大祀天地于南郊○壬

子享太廟○遣官祭功臣於雞鳴山廟以濟寧侯顧時以下二百八十人祔祭

二月壬戌朔丁卯遣官釋奠于先師孔子○戊辰祭大社大稷○辛未遣官祀歷代帝王○壬申朝日○乙亥遣應天府官祀歷代忠臣漢蔣子文晉卞壺南唐劉仁瞻宋曹彬元福壽凡五廟○丙子祭太歲風雷雨嶽鎮海瀆山川月將城隍諸神○遣官祭先農及旗纛

夏四月辛酉朔享太廟

六月庚申朔庚辰遣官分詣各郡祭嶽瀆及帝王陵寢

秋七月己丑朔享太廟

八月己未朔丁卯遣官釋奠于先師孔子○戊辰祭大社大稷○己巳遣官祀歷代帝王○辛未夕月○壬申祭太歲風雲雷雨嶽鎮海瀆山川月將城隍諸神○遣官祭旗纛

纛

九月戊子朔壬寅祭周天星辰○癸丑溧水縣祭社稷以牛醢代鹿醢御史按實奏之 上命究其罪而禮部奏云著令凡祭物缺者許以他物代 上曰夫祭物所謂缺者以非土地所產溧水固有鹿何得謂缺是有司無誠心于祀神而故爲是苟簡也夫百司所以能理其職而盡民事者以其常存敬懼之心耳今溧水之官於神猶怠忽之則

於人事又何懼焉命論如律仍勅禮部下天下有司凡祭必備其物苟其物非地產所有無商賈販鬻則聽其缺可也

冬十月戊午朔享太廟

十一月丁亥朔甲午詔公侯及諸武臣子弟凡百一十九人習樂舞以供祀事

十二月丁巳朔丙戌享太廟

洪武十四年春正月丁亥朔乙未大祀天地于南郊○戊戌享太廟○乙卯大河衛請建旗纛廟 上曰大河長淮二衛共一城今長淮已立旗纛廟春秋之祭二衛共之不

必重建以勞民力

二月丁巳朔遣禮部尚書李叔正釋奠于先師孔子○戊午祭太社大稷○壬戌朝日○乙丑遣官祀歷代帝王○丙寅祭太歲風雲雷雨嶽鎮海瀆山川月將城隍諸神○遣官祭先農及旗纛

夏四月丙辰朔庚申享太廟

秋七月甲申朔戊戌享太廟

八月癸丑朔丁巳命國子祭酒李敬釋奠于先師孔子○

戊午祭太社大稷○辛丑夕月○甲子遣官祀歷代帝王

○乙丑祭太歲風雲雷雨嶽鎮海瀆山川月將城隍諸神

○遣官祭先農及旗纛

九月壬午朔戊戌祭周天星辰

冬十月壬子朔甲寅享太廟

十二月辛亥朔庚辰享太廟

洪武十五年春正月辛巳朔戊子享太廟○乙未大祀天地于南郊禮成宴群臣于謹身殿

二月辛亥朔丁巳遣官釋奠于先師孔子○戊午祭大社

大稷○壬戌朝日○丙寅祭太歲風雲雷雨嶽鎮海瀆山

川月將城隍諸神○遣官祭先農及旗纛

夏四月庚辰朔享太廟○丙戌詔天下通祀孔子賜學糧

增師生廩膳

上諭禮部尚書劉仲質曰孔子明帝王之

道以教後世使君君臣臣父父子子綱常以正彝倫攸序

其功參于天地今天下郡縣廟學並建而報祀之禮止行

京師豈非闕典卿與儒臣其定釋奠禮儀頒之天下學校

令以每歲春秋仲月通祀孔子又命凡府州縣學田租入

官者悉歸于學俾供祭祀及師生俸廩仲質對曰前代學

田多寡不同宜一其制乃詔定爲三等府學一千石州學

八百石縣學六百石應天府學一千六百石各設吏一人

以司出納師生月給廩膳米一石教官俸如舊

秋七月戊申朔享太廟

皇祖四法 卷十 四二
八月丁丑朔命國子監祭酒吳顯釋奠于先師孔子○戊寅祭大社大稷○辛巳祭太歲風雲雷雨嶽鎮海瀆山川月將城隍諸神○遣官祀歷代帝王○遣官祭旗纛○壬午夕月○庚子 上以 孝慈皇后喪萬幾委積乃命禮部臣考古典遵以日易月之制以素羞祭告于 皇后之靈曰自后崩逝已十有五日雖哀慟無窮而天下事重不敢久曠不治謹遵禮制以日易月朕釋期服視朝諸子仍衰麻以奉几筵惟靈鑒之

九月丁未朔辛酉祭周天星辰○巳巳以 孝慈皇后梓宮將發引具醴饌告太廟遣官致祭金水橋午門等神仍

遣官祭鍾山之神曰茲以今月庚午安葬 孝慈皇后于鍾山之陽以成穆貴妃永貴妃汪貴妃祔尚祈神佑永保安寧

冬十月丙子朔享太廟○巳卯以 孝慈皇后卒哭行祔廟禮 上以醴饌致祭于靈曰日月不居奄及卒哭謹以牲醴用薦成事祭畢復以牲醴告廟曰茲以孝曾孫婦孝慈皇后馬氏神主詣廟祇謁嘉薦祔饗之禮

十二月乙亥朔甲辰享太廟

洪武十六年春正月巳巳朔乙卯大祀天地于南郊○辛酉享太廟

二月乙亥朔丁丑遣官釋奠于先師孔子○戊寅祭大社
大稷○壬午朝日○乙酉祭太歲風雲雷雨嶽鎮海瀆山
川月將城隍諸神○遣官祭先農及旗纛○遣官祀歷代
帝王

夏四月甲戌朔享太廟○戊子 皇考仁祖淳皇帝忌日

上詣奉先殿享祭畢以牲醴致祭于 孝慈皇后靈曰

惟我 皇考忌日屆臨奠薦之禮靈不獲與豈勝感悼

五月甲辰朔甲子孝陵殿成命皇太子以牲醴致祭其儀
是日清晨執事者於殿中陳祭儀畢引禮內官引皇太子
親王由東門入就殿中拜位贊拜皇太子以下皆四拜皇

太子少前跪諸王皆跪皇太子三上香執事內官以爵酌
酒授皇太子執事內官受爵置于案贊讀祝內官捧祝于
香案前跪讀曰近者園陵始營祭享之儀未具今禮殿旣
成奉安神位謹用祭告讀訖皆興行亞獻終獻畢贊拜皇
太子以下皆四拜執事者捧竹帛詣燎位禮畢皆退
秋七月壬寅朔享太廟○壬子遣官分詣各郡國祭歷代
帝王陵寢媯皇氏陵在山西趙城縣者命自今一體致祭
凡三十六陵

八月壬申朔丁丑遣國子祭酒宋訥釋奠于先師孔子○
戊寅祭大社大稷○甲申遣官祀歷代帝王○乙酉祭太

歲風雲雷雨嶽鎮海瀆山川月將城隍諸神○遣官祭旗
燾○丁亥夕月

九月辛丑朔丁巳祭周天星辰

冬十月辛未朔甲戌享太廟

十一月庚子朔壬子禮部言秦蜀守李冰鑿山堰流以備
水旱之患田得灌溉民始殷富漢文翁爲蜀守仁愛化民
以蜀地僻遠有蠻夷之風乃興學舍招弟子員選郡縣小
吏皆受業成材由是蜀人大化文風比齊魯宋張詠爲蜀
守恩威並用民畏而愛之李冰已載祀典文翁與詠未及
奉祀今擬以文翁張詠與李冰同一祠廟稱爲秦蜀守李

公之神漢蜀守文公之神宋蜀守張公之神而歲祀之卓
茂爲密令視民如子教化大行黃霸爲河南丞持法寬平
得吏民心皆漢之循吏鈞州有霸廟址密縣亦有茂廟址
乃其所治之郡邑遺愛在民歿而祀之正合祀典今擬稱
霸爲漢丞相建成侯黃公之神茂爲漢太傅褒德侯卓公
之神陸遜及子抗從子凱世爲吳郡人當三國時文武兼
資爲吳將相忠誠懇至多著勲略可謂以勞定國允應祀
典松江舊有祠宇基址尚存今擬稱遜爲吳丞相華亭侯
陸公之神令有司立祠致祭仍稱抗爲大司馬荊州牧陸
公之神凱爲吳左丞相陸公之神以配享之四川隆州土

皇朝四代法 卷一
神垂休侯李氏名龍遷龍陽大姓也臣事于梁大著功績
築城捍蔽川蜀以保障其民沒葬牛心山下邦人祀之凡
有雨暘疾疫祈禱必應今擬稱爲梁龍陽李公之神唐狄
仁傑仕武后朝正直敢言多所廣益諫立廬陵王復唐社
稷大有功德嘗謫爲彭澤令奏免民租縱囚還家如期復
至彭澤舊有祠宇理宜褒祀今擬稱唐司空梁國文惠狄
公之神謝夷甫肅宗時爲京畿令孟湜押兵過境縱掠百
姓夷甫捕而斬之李輔國譖之於朝流建州卒葬于甌寧
後見夢于帝有旨立廟賜名靈通封武英侯竊惟謝公英
毅正直不畏強禦因民獲罪謫死建州血食其土累示靈

異可謂禦災捍患有功於民今擬稱唐京畿令謝公之神
元江州路總管李黼由科第得官與其姪秉昭臨難死節
生爲忠臣沒享廟食於九江考諸元史封隴西郡公謚忠
文今擬稱元江州路總管隴西郡李忠文公之神李宗可
爲元義兵萬戶從元帥余闕守安慶敵人攻城宗可橫槊
入陣殺敵甚衆及城陷元帥死宗可馳馬還家謂妻孥曰
余相公死我義不可屈汝等無苟活爲人所魚肉無問大
小盡殺之自刎死竊惟李宗可可謂以死勤事者矣余闕
旣立祠安慶春秋祭祀宜以李宗可配享今擬稱爲元義
兵萬戶李公之神從之命著之祀典

十二月庚午朔戊戌享太廟

洪武十七年春正月己亥朔癸卯享太廟○丁未大祀天地于南郊

二月己巳朔丁丑遣官釋奠于先師孔子○戊寅祭大社大稷○己卯遣官祀歷代帝王○丙戌祭太歲風雲雷雨嶽鎮海瀆山川月將城隍諸神○遣官祭先農及旗纛○

庚寅朝日

夏四月戊辰朔己巳享太廟

五月戊戌朔辛巳命禮部製大成樂器以頒天下儒學勅曰天下學校通祀先師孔子而樂器未備無以昭其聲容

感乎神明實典禮之缺也爾禮部其會同工部命曉音律之人集工製之然禮樂國之盛典必貴協和毋圖速成有乖製作○甲午 上諭禮部臣曰近命製大成樂器將以頒天下學校俾諸生習之以祀孔子朕思古人之樂所以防民欲後世之樂所以縱民欲其故何也古樂之詩章和而正後世之歌詞淫以夸古之律呂協天地自然之氣後之律呂出人爲智巧之私天時與地氣不審人聲與樂音不比故雖以古之詩章用古之器數亦乖戾而不合陵犯而不倫矣手擊之而不得于心口歌之而不出于志人與樂判然爲二而欲以動天地感鬼神豈不難哉然其流已

久救之甚難卿等宜究心於此俾樂成而頒之諸生得以肄習庶幾可以復古人之意

秋七月丁酉朔戊申享太廟

八月丙寅朔丁卯命國子祭酒宋訥釋奠于先師孔子○

戊辰祭大社大稷○巳卯遣官祀歷代帝王○庚辰祭太

歲風雲雷雨嶽鎮海瀆山川月將城隍諸神○遣官祭旗

纛○壬辰夕月

九月丙申朔壬子祭周天星辰

冬十月乙丑朔享太廟

十二月甲午朔辛酉享太廟

洪武十八年春正月癸亥朔辛未大祀天地于南郊○甲戌享太廟○辛卯禮部奏定王國祭祀社稷山川等儀凡祭社稷前四日奉祠啓王齋戒前祭一日導王常服省牲訖遂宰牲是日昧爽執事者如儀陳設訖各就位文武官具服就班王具皮弁服導引官四員導王就拜位典儀唱瘞毛血執事者以毛血瘞于坎唱迎神典樂舉麾唱樂奏廣清之曲樂止內贊及通贊贊王與衆官皆四拜典儀唱奠帛行初獻禮典樂舉麾唱樂奏壽清之曲武生舞武功之舞執事者捧帛爵獻于神位前讀祝官取祝跪于神位之左王及衆官皆跪讀祝訖王以下皆俯伏興樂止典儀

唱亞獻禮典樂舉麾唱樂奏豫清之曲文生舞文德之舞
執事者獻爵如常儀訖樂止典儀唱終獻禮典樂舉麾唱
樂奏熙清之曲文生舞文德之舞執事進爵如亞獻訖典
儀唱飲福受胙典膳以福酒及胙自神位前由正門左捧
出內贊啓跪搢圭典膳以福酒進啓飲福訖典膳以胙進
內贊啓受胙訖出圭俯伏興又贊王及百官皆四拜典儀
唱徹饌典樂舉麾唱樂奏雍清之曲執事各詣神位前徹
饌訖樂止典儀唱送神典樂舉麾唱樂奏安清之曲王及
衆官皆四拜典儀唱捧祝帛詣瘞位典樂舉麾唱樂奏時
清之曲內贊啓禮畢祭山川儀同但不瘞毛血詣瘞位改

爲燎位祭旗纛則遣武官戎服行禮如常儀樂用大樂從
之

二月癸巳朔朝日○丁酉遣官釋奠于先師孔子○戊戌
祭大社大稷○己亥遣官祀歷代帝王○庚子祭太歲風
雲雷雨嶽鎮海瀆山川月將城隍諸神○遣官祭先農及
旗纛

夏四月壬辰朔享太廟

秋七月辛酉朔享太廟

八月庚寅朔乙未邠州請以姜嫄公劉二廟入祀典禮部
議按祭法有功于民則祀之姜嫄后稷之母也德淑子聖

皇朝四九注卷十
四十九
后稷教民稼穡澤被後世公劉后稷之曾孫初居西戎後
遷于邠能修后稷之業有功於民誠宜載之祀典詔從之
○丁酉遣官釋奠於先師孔子○戊戌祭大社大稷○辛
丑夕月○甲辰遣官祀歷代帝王○乙巳祭太歲風雲雷
雨嶽鎮海瀆山川月將城隍諸神○遣官祭旗纛○庚辰
遣官祭忠臣蔣子文五廟

九月庚申朔甲戌祭周天星辰

冬十月巳丑朔庚寅享太廟

十二月戊子朔丁巳享太廟

洪武十九年春正月戊午朔甲子大祀天地于南郊○辛

未享太廟

二月丁亥朔遣官釋奠于先師孔子○戊子祭大社大稷

○乙未遣官祀歷代帝王○丙申祭太歲風雲雷雨嶽鎮

海瀆山川月將城隍諸神○遣官祭旗纛○躬耕籍田遣

官祭先農○庚子朝日

三月丁巳朔遣官分詣各郡祭歷代帝王陵寢

夏四月丙戌朔丁亥享太廟

秋七月乙卯朔戊午享太廟

八月甲申朔丁亥遣官釋奠于先師孔子○戊子祭大社

大稷○丙申遣官祀歷代帝王○丁酉祭太歲風雲雷雨

皇朝四代法 卷一
五十一
嶽鎮海瀆山川月將城隍諸神○遣官祭旗纛○癸卯夕
月○甲辰命禮部製 德祖玄皇帝玄皇后 懿祖恒皇
帝恒皇后 熙祖裕皇帝裕皇后袞冕冠服命皇太子至
泗州盱眙縣修繕祖陵葬衣冠祭告曰嗚呼昔者 列祖
立命是方積德深長致天昭鑒福垂後嗣今也子孫繁衍
宅於宇內以統黔黎深思 皇考生前歲月之間思念
列祖音容孫常切記已有年矣嗚呼以萬幾之冗未獲躬
詣拜埽今特遣玄孫皇太子以牲醴之奠詣陵修繕敬葬
衣冠以伸孝思神其鑒之

九月甲寅朔戊辰祭周天星辰

冬十月甲申朔辛卯享太廟

十二月癸未朔辛亥享太廟

洪武二十年春正月壬子朔甲子大祀天地於南郊禮成
天氣清明 聖情悅豫侍臣進曰此 陛下敬天之誠所
致 上曰所謂敬天者不獨嚴而有禮當有其實天以子
民之任付于君爲君者欲求事天必先恤民恤民者事天
之實也卽如國家命人任守令之事若不能福民則是棄
君之命不敬孰大焉又曰爲人君者父母天地子民皆職
分之所當盡祀天地非祈福于已實爲天下蒼生也○辛
未享太廟

二月壬午朔丁亥遣官釋奠于先師孔子○戊子祭大社
大稷○甲午遣官祀歷代帝王○乙未祭太歲風雲雷雨
嶽鎮海瀆山川月將城隍諸神○遣官祭旗纛○躬耕籍
田遣官祭先農○丙午朝日

夏四月辛巳朔甲午享太廟

秋七月戊寅朔巳卯享太廟

八月戊申朔丁巳遣官釋奠于先師孔子○戊午祭大社
大稷○辛酉夕月○甲子遣官祀歷代帝王○乙丑祭太
歲風雲雷雨嶽鎮海瀆山川月將城隍諸神○遣官祭旗
纛

九月戊寅朔壬辰祭周天星辰

冬十月戊申朔享太廟○建歷代忠臣廟成先是漢秣陵
尉蔣忠烈侯晉成陽卞忠貞公南唐劉忠肅王宋濟陽曹
武惠王等皆歷代崇祀及元衛忠肅公福壽等亦嘗立祠
以祭 上以其溷處閭巷祠宇卑陋弗稱神居詔徙建于
鷄鳴山之陽至是廟成命應天府每歲以四孟月及歲除
祭功臣日致祭歲以爲常

十二月丁未朔乙亥享太廟

洪武二十一年春正月丙子朔辛卯大祀天地于南郊○
乙未享太廟

二月丙午朔丁未遣官釋奠于先師孔子○戊申祭大社
大稷○辛亥朝日○甲寅詔以歷代名臣從祀帝王廟先
是禮官奏以風后力牧臯陶夔龍伯夷伯益伊尹傳說周
公旦召公奭太公望方叔召虎張良蕭何曹參周勃鄧禹
諸葛亮房玄齡杜如晦李靖郭子儀李晟趙普曹彬韓世
忠岳飛張浚博爾忽博爾朮赤老溫伯顏阿朮安童凡三
十六人皆宜從祀于帝王廟 上曰古之君臣同德者終
始一心載在史傳萬世不泯國家祀典必合公論不可徒
觀其跡而不究其實也若宋趙普負太祖爲不忠不可從
祀元臣四傑木華黎爲首不可以其孫從祀而去其祖可

祀木華黎而罷安童旣祀伯顏其阿朮亦不必祀如漢陳
平馮異宋潘美皆節義兼善始終可從廟祀於是定以風
后力牧臯陶夔龍伯夷伯益伊尹傳說周公旦召公奭太
公望召虎方叔張良蕭何曹參陳平周勃鄧禹馮異諸葛
亮房玄齡杜如晦李靖李晟郭子儀曹彬潘美韓世忠岳
飛張浚木華黎博爾忽博爾朮赤老溫伯顏凡三十有七
人從祀歷代帝王廟○戊午遣官祀歷代帝王初歷代帝
王廟五室祀伏羲至元世祖凡十七帝至是去隋文帝凡
十六帝爲五室中三室居三皇五帝三王如舊最東一室
則漢高祖光武唐太宗最西一室則宋太祖元世祖從祀

皇朝四代志 卷一
五十三
名臣凡四壇東廡第一壇九人風后臯陶龍伯益傳說召
公奭召虎張良曹參西廡第一壇九人力牧夔伯夷伊尹
周公旦太公望方叔蕭何陳平東廡第二壇十人周勃馮
異房玄齡李靖李晟潘美岳飛木華黎博爾忽伯顏西廡
第二壇九人鄧禹諸葛亮杜如晦郭子儀曹彬韓世忠張
浚博爾朮赤老溫○巳未祭太歲風雲雷雨嶽鎮海瀆山
川月將城隍諸神○遣官祭先農及旗纛

三月乙亥朔 上御奉天殿策試舉人制策曰事神之道
治人之心莫不同焉雖然始古至今凡所祀事必因所以
而乃祀焉然聖賢之制禮有等殺自天子至於臣民祭禮

之名分限之定其來遠矣其主祭者又非一人然而篤于
敬者甚多有且信且疑者亦廣甚於不信而但應故事者
無限所以昔人有云能者養之以福不能者敗以取禍朕
未知其必然爾諸文士陳其所以朕將覽焉時廷對者九
十七人擢任亨泰爲第一賜亨泰等進士及第出身有差
特建題名碑于太學門○乙酉增修南郊壇壝於大祀殿
丹墀內疊石爲臺四東西相向以爲日月星辰四壇又於
內壝之外亦東西相向疊石爲臺凡二十各高三丈有奇
周以石欄陟降爲磴道臺之上琢石爲山形鑿龕以置神
位以爲五嶽五鎮四海四瀆并風雲雷雨山川太歲天下

皇祖四十九卷一
五十四
諸神及歷代帝王之壇壇之後樹以松栢外墻東南鑿池
凡二十區冬月伐冰藏凌陰以供夏秋祭祀之用其歷代
帝王及太歲風雲雷雨嶽鎮海瀆山川月將城隍諸神並
停春祭每歲八月中旬擇日祭之日月星辰既已從祀其
朝日夕月祭星之祭悉罷之仍命禮部更定郊廟社稷諸
祀禮儀著爲常式 郊祀儀齋戒前二日太常司官宿于
本司次日奏致齋三日次日進銅人傳制諭文武百官齋
戒當日禮部官同太常司官於城隍廟發咨仍於各廟焚
香三日正祭前二日用祝文酒果於奉先殿告 仁祖配
享其祝文曰維某年某月某日孝子皇帝某敢昭告于

皇考仁祖淳皇帝茲以正月某日恭祀 上帝皇祇于大
祀殿謹請 皇考配神伏惟鑒知次日太常司官同光祿
司官省牲畢復命就奏定分獻官二十四員正祭陳設共
二十七壇正殿三壇 上帝皇祇俱南向 仁祖配位在
東西向其 上帝位用犢一登一實以大羹籩豆各十二
籩實以形鹽藁魚棗栗榛菱芡鹿脯白餅黑餅糗餌粉飧
豆實以韭菹菁菹筍菹芹菹醢醢鹿醢兔醢魚醢脾析豚
胎飽食糝食簋簋各二實以黍稷稻粱玉用蒼璧帛一蒼
色織文曰郊祀制帛 皇祇及 仁祖配位壇陳設俱與
上帝壇同但 皇祇玉用黃琮帛用黃色共設酒尊六

皇且四去 卷一
五十五

爵九篚三千殿東南西向祝文案一千殿西北向丹墀內
爲壇四大明在東西向夜明在西東向大明夜明之次爲
星辰壇二皆東西相向大明壇犢一登一邊豆各十所實
視 上帝壇籩減糗餌粉飡豆減飽食糝食簠簋各二帛
一紅色酒尊三爵三篚一夜明壇陳設與大明壇同但帛
用白色星辰壇各用犢一羊三豕三登一鋤二實以和羹
酒盞三十餘與夜明壇同壝外二十壇東十壇北嶽北鎮
東嶽東鎮東海太歲帝王山川神祇四瀆西十壇北海西
西鎮西海中嶽中鎮風雲雷雨南嶽南鎮南海壇各用
一羊一豕一登一鋤二邊豆各十簠簋各二酒盞十酒

尊三爵三篚一帛一五嶽五鎮四海帛各用其方色惟太
歲神祇白色帝王壇帛十六山川壇帛二風雲雷雨壇帛
四俱白色四瀆壇帛四俱黑色自大明以下其織文皆曰
禮神制帛惟神祇壇鋤三無大羹羊豕各五邊豆各八無
黑白餅脾析豚胎而帝王山川四瀆中嶽風雲雷雨神祇
壇酒盞各三十餘並同嶽鎮正祭典儀唱樂舞生就位執
事官各司其事陪祭官分獻官各就位導引官導 皇帝
至御位內贊奏就位與儀唱燔柴瘞毛血迎神協律郎舉
麾唱樂奏中和之曲樂止內贊奏四拜百官四拜典儀唱
奠玉帛協律郎舉麾唱奏肅和之曲內贊奏陞壇至上

皇前四
帝前奏搢圭執事官以玉帛跪進于 皇帝右奠訖奏出
圭次詣 皇祇前次詣 仁祖前禮並同復位樂止典儀
唱進俎協律郎舉麾唱奏凝和之曲齋郎舁饌至內贊奏
陞壇至 上帝前奏搢圭進俎至 皇祇前奏進俎出圭
至 仁祖前奏搢圭進俎出圭復位樂止典儀唱行初獻
禮協律郎舉麾唱奏壽和之曲武功之舞內贊奏陞壇至
上帝前奏搢圭執事官以爵跪進于 皇帝右奏獻爵
出圭至 皇祇前禮同但執事者以爵跪進于 皇帝左
奏詣讀祝位跪百官皆跪樂止讀祝官取祝跪于神位右
讀訖樂作奏俯伏興平身百官皆俯伏興平身至 仁祖

前奏搢圭獻爵出圭復位樂止典儀唱行亞獻禮奏豫和
之曲文德之舞禮如初獻無讀祝樂止典儀唱行終獻禮
奏寧和之曲文德之舞儀同亞獻樂止太常卿進立于殿
西東向唱賜福胙內贊奏詣飲福位跪搢圭光祿司官以
福酒跪進奏飲福酒光祿司官以胙跪進奏受胙出圭俯
伏興平身復位奏四拜百官皆四拜典儀唱徹饌奏雍和
之曲執事官各壇徹饌樂止典儀唱送神奏安和之曲內
贊奏四拜百官皆四拜樂止典儀唱讀祝官捧祝進帛官
捧帛掌祭官捧饌各詣燎瘞位奏時和之曲執事官各捧
祝帛饌出至燎所內贊奏禮畢其分獻禮典儀唱行初獻

禮贊引引分獻官詣神位前搢笏執事官以帛進於分獻
官奠訖執事官以爵進於分獻官贊引贊獻爵出笏贊引
引至酒尊南北向立典儀唱行亞獻禮執事官以爵進儀
如初獻典儀唱行終獻禮儀如亞獻贊引引分獻官復位
其徹饌送神燎瘞並與正殿同其祝文與十二年同樂章
迎神云荷蒙天地兮君主華夷欽承踴躍兮備筵而祭誠
惶無已兮寸衷微仰瞻俯首兮惟願來期相龍翔鳳舞兮
慶雲飛必昭昭穆穆兮降壇壝奠玉帛云天垂風露兮雨
澤霑黃壤氤氳兮氣化全民勤畝畝兮束帛鮮臣當設宴
兮奉來前進俎初獻亞獻終獻徹饌俱仍舊只送神改必

烝民兮永康望燎改神變化兮束帛將餘俱與舊同 享
宗廟儀齋戒前一日太常司官宿于本司次日奏致齋三
日次日進銅人省牲與郊祀同其陳設每廟犢羊豕各一
登鉶各二籩豆各十二簋簋各二各實其實同郊祀帛二
白色織文曰奉先制帛共設酒尊三金爵八磁爵十六篚
四于殿東祝文案于殿西親王配四壇共二十一位第一
壇犢羊豕各一登鉶各二籩豆各十簋簋各二帛二爵六
第二第三壇登鉶各六帛六爵十八第四壇登鉶各七帛
七爵二十一餘並與第一壇同帛皆白色織文皆曰展親
制帛共設酒尊三篚四于殿東南北向功臣配享十壇每

壇用羊一豕一劔一邊豆各二簠簋各一爵三篚一帛一
白色織文曰報功制帛共設酒尊三于殿西南北向當祭
之時典儀唱樂舞生就位執事官各司其事導 皇帝至
御位內贊奏就位典儀唱迎神協律郎舉麾奏泰和之曲
內贊奏四拜百官皆四拜樂止典儀唱奠帛行初獻禮協
律郎舉麾奏壽和之曲武功之舞執事官各捧帛以金爵
受酒獻於神御前讀祝官取祝跪於神御右內贊奏跪百
官皆跪典儀唱讀祝樂止讀訖進于神御前樂作內贊奏
俯伏興平身百官皆俯伏興平身樂止典儀唱行亞獻禮
協律郎舉麾奏豫和之曲文德之舞執事官各以磁爵受

酒獻于神御前典儀唱行終獻禮協律郎舉麾奏寧和之
曲文德之舞儀同亞獻樂止太常卿進立于殿東西向唱
賜福胙光祿司官捧福酒胙自神御前中門左出至 皇
帝前內贊奏搯圭光祿司官以福酒跪進內贊奏飲福酒
光祿司官以胙跪進內贊奏受胙出圭俯伏興平身內贊
奏四拜百官皆四拜典儀唱徹饌協律郎舉麾奏雍和之
曲執事官各徹饌樂止太常卿詣神御前跪奏禮畢請還
宮協律郎舉麾奏安和之曲內贊奏四拜百官同樂止典
儀唱讀祝官捧祝進帛官捧帛各詣燎位奏樂內贊奏禮
畢其祝文曰時維孟春禮嚴祭祀謹以牲醴庶品用伸追

皇朝四代通志卷一
五十九
慕之情其樂章迎神亞獻終獻徹饌還宮並與洪武元年
同惟奠帛初獻云思皇先祖耀靈于天源衍慶流由高逮
玄玄孫受命追遠其先明禋世崇億萬斯年 祀社稷儀
上齋戒如宗廟儀正祭前二日於奉先殿告 仁祖配其
祝文曰維某年某月某日孝子皇帝某敢昭告于 皇考
仁祖淳皇帝茲以正月某日恭祀大社大稷謹請 皇考
配神伏惟鑒知省牲與祭 上帝皇祇同正祭陳設大社
在東大稷在西北向用犢羊豕各一登一鉶二籩豆各十
二簠簋各二帛各一黑色織文曰禮神制帛玉各用兩圭
有邸 仁祖配位在東西向祭物同社稷無玉共設酒尊

三爵九篚三于壇西北東向祝文案一至期典儀唱樂舞
生就位執事官各司其事導引官導引 皇帝至御位典
儀唱瘞毛血迎神協律郎舉麾唱迎神樂奏廣和之曲內
贊奏四拜百官同樂止典儀唱奠玉帛行初獻禮樂奏壽
和之曲武功之舞執事官各捧玉帛爵獻于神位前讀祝
官取祝跪于神位前左內贊奏跪讀祝訖進於大社神位
前俯伏與平身百官同樂止典儀唱行亞獻禮樂奏豫和
之曲文德之舞執事官各捧爵獻於神位前終獻樂奏寧
和之曲文德之舞儀如亞獻樂止太常卿進立于壇西東
向唱賜福胙光祿司官捧福酒及胙自神位前由正門左

皇祖四法 卷一
出至 皇帝前內贊奏摺圭奏飲福酒奏受胙出圭俯伏
與平身內贊奏四拜百官同徹饌樂奏雍和之曲樂止送
神樂奏安和之曲內贊四拜百官同樂止讀祝官捧祝進
帛官捧帛掌祭官捧饌各詣瘞位望瘞樂奏時和之曲內
贊奏禮畢其祝文曰惟神贊輔皇祇發生嘉穀粒我烝民
萬世永賴時當仲春禮嚴告祀謹以玉帛牲齊粢盛庶品
備茲瘞祭 皇考淳皇帝配神其樂章迎神改民歌且舞
今朝雍雍備筵率職兮候迓迎想聖來兮祥風生奠帛初
獻亞獻終獻徹饌送神望瘞俱仍舊 祭山川儀齋戒前
一日太常司官宿本司次日奏致齋二日次日進銅人正

祭前二日太常司官同本部官詣城隍廟發咨省牲與太
廟同其正祭一十三壇每壇牲用犢一羊一豕一邊豆各
十簠簋各二登一釶二酒盞三十帛太歲一風雲雷雨四
鍾山及京畿山川京都城隍各一春夏秋冬四季月將各
三俱白色五嶽五鎮各五四海四各隨其方色四瀆四黑
色祭之時典儀唱樂舞生就位執事官各司其事導引官
導引 皇帝至御位內贊奏就位典儀唱迎神奏樂執事
官各詣神位前斟第一層酒樂止內贊奏四拜百官皆四
拜典儀唱奠帛行初獻禮奏樂執事官各捧帛爵獻于神
位前讀祝官取祝跪于 皇帝左內贊奏跪百官皆跪典

儀唱讀祝讀畢置于案上內贊奏俯伏興平身百官皆俯
伏興平身樂止典儀唱行亞獻禮奏樂執事官各詣神位
前斟第二層酒樂止典儀唱行終獻禮奏樂執事官各詣
神位前斟第三層酒樂止太常卿立殿東西向唱賜福胙
典儀唱飲福受胙光祿司官捧福胙自神位前由正門左
出至 皇帝前內贊奏跪搢圭光祿司官以福酒跪進內
贊奏飲福酒光祿司官以胙進內贊奏受胙出圭俯伏興
平身奏兩拜百官皆兩拜典儀唱徹饌奏樂執事官各於
神位前徹饌樂止典儀唱送神奏樂內贊奏四拜百官皆
四拜內贊唱讀祝官捧祝掌祭官捧帛饌各詣燎位奏樂

內贊奏禮畢祝文改考于古典歷代有秋報之禮爲歷代
相承有秋報之禮樂章迎神云吉日良辰祀典式陳京畿
山川城隍之神濯濯厥靈昭鑒我心以候以迎來格來歆
餘並同舊制 祭歷代帝王儀齋戒前一日太常司官宿
于本司次日奏致齋二日傳制遣官行禮正祭前一日獻
官承制畢詣壇省牲其正祭陳設五室凡十六位及從祀
名臣三十七人爲四壇祭物如舊至期典儀唱樂舞生就
位執事官各司其事贊引引獻官至盥洗所贊搢笏出笏
引至拜位贊就位典儀唱迎神協律郎舉麾奏樂樂止贊
四拜陪祭官皆四拜典儀唱奠帛行初獻禮奏樂執事官

皇朝四代法卷一
各捧帛爵進于神位前贊引贊詣三皇神位前搢笏執事
官以帛進于獻官奠訖執事官以爵進贊獻爵凡三出笏
次詣五帝神位前爵凡五次詣三王神位前爵凡三次詣
漢高祖光武唐太宗神位前爵凡三次詣宋太祖元世祖
神位前爵凡二儀並同前出笏詣讀祝位跪讀祝官取祝
跪于獻官左讀畢進于神位前贊俯伏興平身復位樂止
典儀唱行亞獻禮奏樂執事官各以爵獻于神位前樂止
終獻儀如亞獻典儀唱飲福受胙贊詣飲福位跪搢笏執
事官以爵進飲福酒執事官以胙進受胙出笏俯伏興平
身復位贊兩拜典儀唱徹饌奏樂執事官各於神位前徹

饌樂止唱送神奏樂贊四拜平身樂止典儀唱讀祝官捧
祝掌祭官捧帛饌各詣瘞位樂止贊禮畢其祝文與十年
二月祭同樂章與七年八月祭同 祭先師孔子儀齋戒
傳制遣官省牲並與祭歷代帝王同其正祭陳設正壇犢
一羊一豕一籩豆各十登一釧二簠簋各二帛一白色織
文曰禮神制帛共設酒尊三爵三篚一于壇東南西向設
祝文案于壇西四配位每位羊一豕一籩豆各十簠簋各
一登一釧二爵三帛一篚一十哲位東五壇共豕一帛一
篚一爵三每位籩豆各四釧一簠簋各一酒盞一西五壇
陳設同東廡五十三位共十三壇共豕一帛一篚一爵三

每壇籩豆各四簠簋各一酒盞四西廡五十二位共十三壇陳設並同東廡其正祭儀典儀唱樂舞生就位執事者各司其事分獻官陪祀官各就位贊引引獻官至盥洗所贊詣盥洗位搢笏出笏引至拜位贊就位典儀唱迎神奏樂樂止贊四拜陪祭官皆四拜典儀唱奠帛行初獻禮奏樂執事捧帛爵詣神位前贊引贊詣大成至聖文宣王神位前搢笏執事以帛進於獻官奠訖執事以爵進贊引贊獻爵出笏詣讀祝位跪讀祝官取祝跪于獻官左讀訖俯伏與平身次詣兗國復聖公神位前次詣鄒國宗聖公神位前次詣沂國述聖公神位前次詣鄒國亞聖公神位前

儀並同前贊復位樂止典儀唱行亞獻禮奏樂執事以爵獻於神位前樂止終獻儀如亞獻樂止典儀唱飲福受胙贊詣飲福位跪搢笏執事以爵進贊飲福酒執事以胙進贊受胙出笏俯伏與平身復位贊兩拜陪祭官皆兩拜典儀唱徹饌奏樂執事各詣神位前徹饌樂止典儀唱送神奏樂贊引贊四拜陪祭官皆四拜典儀唱讀祝官捧祝掌祭官捧帛饌各詣瘞位典儀唱望瘞奏樂贊詣望瘞位樂止贊禮畢祝文曰惟洪武某年歲次某甲子 皇帝遣具官某致祭于大成至聖文宣王惟王德配天地道冠古今刪述六經垂訓萬世茲維仲春謹以牲帛醴齊粢盛庶品

祇奉舊章式陳明薦以去
聖公鄒國亞聖公配尚書
先師改為大哉宣聖初

復聖公邾國宗聖公沂國述
樂章仍用舊制惟迎神曲大哉
曲大哉聖師改為大哉聖王云

祭先農儀正祭陳設

農一位不設配位其器物如舊

齋戒省牲儀與祭先師

子同至期典儀唱樂舞生就位

執事官各司其事贊引

獻官詣盥洗所贊搯笏出笏贊

引贊就位典儀唱瘞毛

迎神奏樂樂止贊四拜陪祭官

皆四拜典儀唱奠帛行初獻禮奏樂贊引贊詣神位前搯

笏執事以爵進贊引贊獻爵出笏詣讀

祝位跪讀祝官取祝跪于獻官左讀祝畢進于神位前贊

引贊俯伏與平身復位樂止典儀唱行亞獻禮奏樂執事

官以爵獻于神位前樂止終獻儀如亞獻典儀唱飲福受

胙贊引贊詣飲福位執事官以爵進贊飲福酒執事官以

胙進贊受胙出笏俯伏與平身復位贊兩拜陪祭官皆兩

拜典儀唱徹饌奏樂執事官于神位前徹饌樂止典儀唱

送神奏樂贊四拜陪祭官同樂止典儀唱讀祝官捧祝掌

祭官捧帛饌各詣瘞位典儀唱望瘞贊引贊詣望瘞位贊

禮畢祝文曰維洪武某年歲次某甲子 皇帝謹遣具官

某致祭于先農之神維神初興農事乃種嘉穀為民立命

萬世永賴今將東作親耕籍田謹以牲醴庶品用修常祀

皇祖四代法卷一

六十五

尚享樂章如舊制○祭旗燾儀齋戒二日前祭一日獻官詣壇省牲正祭旗頭大將六燾大神五方旗神主宰戰船正神金鼓角銃砲之神已弓飛鎗飛石之神陣前陣後神祇五昌等衆凡七位位皆南向祭物與先農同但帛七黑二白五織文皆曰禮神帛祭之日贊引引獻官至盥洗位贊盥洗贊就位迎神作執事于神位前斟酒訖贊四拜陪祭官皆四拜樂止贊奠帛行初獻禮樂作執事捧帛爵進贊引贊詣神位前執事以帛進奠訖執事以爵進贊獻爵訖贊復位跪讀祝訖贊俯伏興平身樂止唱行亞獻禮樂作執事於神位前斟酒樂止終獻禮同亞獻飲福受

胙以下儀並與祭先農同祝文如舊

夏四月乙巳朔享太廟

秋七月癸酉朔享太廟

八月壬寅朔丁未遣官釋奠于先師孔子○戊申祭大社

大稷○丙辰遣官祀歷代帝王○丁巳祭太歲風雲雷雨

嶽鎮海瀆山川月將城隍諸神○遣官祭旗燾

冬十月辛丑朔乙巳享太廟

十二月辛丑朔庚午享太廟

洪武二十二年春正月辛未朔丁亥大祀天地于南郊○

辛卯享太廟

皇元四十九卷一
二月庚子朔丁未遣官釋奠于先師孔子○戊申祭大社
大稷○戊午遣官享先農

夏四月己亥朔丁未享太廟

五月己巳朔辛未改建歷代帝王廟成遣官致祭以奉安
神主告禮部定擬自今每歲止以仲秋月遣官致祭從之
秋七月丁卯朔戊寅享太廟

八月丙申朔丁酉遣官釋奠于先師孔子○戊戌祭大社
大稷○丙辰遣官祀歷代帝王○丁巳祭太歲風雲雷雨
嶽鎮海瀆山川月將城隍諸神○遣官祭旗纛
冬十月丙申朔丁未享太廟

十一月乙丑朔己卯遣太常博士薛文舉致祭 祖陵

皇陵 上謂文舉曰萬物本乎天人本乎祖古之明王冬
至祭始祖以配天所以重報本也朕承天命以典神人實
由祖宗積德累善所致惟我 仁祖克配上帝於大祀之
禮固已行之今冬至甫臨哀悼罔極卿其肅將朕命往致
祭焉敬之毋忽

十二月乙未朔甲子享太廟

洪武二十三年春正月己丑朔己卯大祀天地于南郊○

乙酉享太廟

二月乙未朔丁酉遣官釋奠于先師○戊戌祭大社大稷

皇朝四代通志卷一
○庚子命禮部翰林院考定王國合祀山川諸神 上曰
王國有嶽鎮海瀆者卽以嶽爲正次海次鎮次瀆風雲雷
雨之神又次之於是禮部爲圖以進使頒之諸國復命東
海則燕齊皆祭東嶽東鎮齊魯皆祭西海秦蜀皆祭晉祭
北海○丙辰躬耕藉田遣官享先農
秋七月辛卯朔享太廟
八月庚申朔丁卯遣官釋奠于先師孔子○戊辰祭大社
大稷○丙子遣官祀歷代帝王○丁丑祭太歲風雲雷雨
嶽鎮海瀆山川月將城隍諸神○遣官祭旗纛
冬十月乙未朔享太廟

十二月己未朔戊子享太廟

洪武二十四年春正月己丑朔癸卯大祀天地于南郊○
丁未享太廟

二月戊午朔丁卯遣官釋奠于先師孔子○戊辰祭大社
大稷○壬申躬耕藉田遣官享先農

夏四月戊午朔享太廟

秋七月丙戌朔享太廟

八月乙卯朔丁巳遣官釋奠于先師孔子○戊午祭大社
大稷○戊辰遣官祀歷代帝王○己巳祭太歲風雲雷雨
嶽鎮海瀆山川月將城隍諸神○遣官祭旗纛

冬十月甲寅朔乙卯享太廟

十二月癸酉朔壬午享太廟

洪武二十五年春正月癸未朔丙戌享太廟○乙未大祀
天地于南郊

二月壬子朔丁巳遣官釋奠于先師孔子○戊午祭大社
大稷○丙寅躬耕藉田遣官享先農

夏四月壬子朔享太廟

六月辛亥朔戊辰 上以皇太子新薨欲停祭祀而時享
在邇復命禮部右侍郎張智翰林學士劉三吾等以郊廟
合行典禮參考古制議定以聞於是智等奏曰宋會要王

制三年不祭惟祭天地社稷蓋不敢以卑廢尊也真宗居
喪旣易月而服除明年遂享太廟合祀天地于園丘服袞
冕車輅儀物音樂緣臣事者不廢南郊所有鹵簿儀仗冠
冕車輅宮架登歌鼓吹並如常儀及宰臣畢士安請聽樂
真宗批荅云除郊天之事資禮樂以相成須用樂外所有
鹵簿鼓吹及樓前宮架諸軍音樂皆備而不作其各處警
場止鳴金鉦鼓角今定議天地社稷先師太歲風雲雷雨
嶽鎮海瀆諸神皆係祀典神祇歷代帝王乃是紹承統系
宜如宋制惟太廟乃祖先神靈所在國旣有喪而時享仍
用樂恐神不樂聽宜亦備而不作詔從之

秋七月庚辰朔享太廟

八月庚戌朔丁巳遣官釋奠于先師孔子○戊午祭大社

大稷○癸亥遣官祀歷代帝王○甲子祭太歲風雲雷雨

嶽鎮海瀆山川月將城隍諸神○遣官祭旗纛

九月己卯朔戊子降太常司少卿許昇為刑部主事以典

簿劉仲實為少卿時上召昇問祭祀禮儀昇不能對典

簿劉仲實從傍代對甚詳上曰國之大事莫重於祭祀

職太常者昏惰如此何以事神遂黜昇而以仲實代之

冬十月己酉朔享太廟

閏十二月丁丑朔丙午享太廟

洪武二十六年春正月丁未朔庚戌享太廟○辛酉大祀

天地于南郊

二月丙子朔丁丑遣官釋奠于先師孔子○戊寅祭大社

大稷○庚寅躬耕籍田遣官享先農

夏四月乙亥朔享太廟

秋七月甲辰朔享太廟

八月甲戌朔丁丑遣官釋奠于先師孔子○戊寅祭大社

大稷○乙酉遣官祀歷代帝王○丙戌祭太歲風雲雷雨

嶽鎮海瀆山川月將城隍諸神○遣官祭旗纛

冬十月癸酉朔甲戌享太廟○丁丑定諸王來朝及還國

皇祖四法 卷一
祭祀禮其禮于端門用豕一羊一葷素各一壇不用制帛
先是諸王來朝還國祭真武等神於端門用豕九羊九制
帛等物祭護衛旗纛於承天門亦加之至是 上以其禮
大繁故有是命尋又罷端門祭祀唯用葷素二壇祭于承
天門外

十二月壬申朔庚子享太廟

洪武二十七年春正月辛丑朔甲辰享太廟○乙卯大祀
天地于南郊

二月辛未朔丁丑遣官釋奠于先師孔子○戊寅祭大社
大稷○乙酉遣官享先農

夏四月庚午朔享太廟○庚辰詔陝西乾州立唐忠臣渾
瑊祠先是乾州同知史孟通上言渾瑊在唐德宗時涇原
兵變乘輿在奉天逆臣朱泚據長安引兵圍奉天衆心洶
洶泚晝夜攻城經月城中資糧俱盡瑊獨引兵苦戰百計
禦敵卒能保乘輿全城郭功載唐史章章可考今其祠廟
尚在而祀事有缺甚非報功勸忠之義宜令有司每歲春
秋致祭廷議是之故有是命

秋七月戊戌朔享太廟

八月戊辰朔丁丑遣官釋奠于先師孔子○戊寅祭大社
大稷○乙酉遣官祀歷代帝王○丙戌祭太歲風雲雷雨

嶽鎮海瀆山川月將城隍諸神○遣官祭旗纛

冬十月丁卯朔享太廟

十二月丙寅朔乙未享太廟

洪武二十八年春正月丙申朔乙亥享太廟○丁未大祀
天地于南郊

二月乙丑朔丁卯遣官釋奠于先師孔子○戊辰祭大社
大稷○巳卯遣官享先農

夏四月甲子朔享太廟

秋七月壬辰朔享太廟

八月壬戌朔丁卯遣官釋奠于先師孔子○戊辰祭大社

大稷○巳卯遣官祀歷代帝王○庚辰祭太歲風雲雷雨

嶽鎮海瀆山川月將城隍諸神○遣官祭旗纛

冬十月辛卯朔享太廟

十二月庚寅朔巳未享太廟

洪武二十九年春正月庚申朔甲子享太廟○壬申大祀
天地于南郊

二月巳丑朔丁酉遣官釋奠于先師孔子○戊戌祭大社
大稷○癸卯享先農

三月戊午朔壬申行人司副楊砥言孔子廟庭從祀諸賢
皆有功世教若漢楊雄臣事賊莽忝列從祀以董仲舒之

賢反不與焉事于名教甚爲乖錯宜黜雄進仲舒則祀典明矣 上納其言命去雄祀仲舒

夏四月戊子朔己丑享太廟

秋七月丙辰朔享太廟

八月丙戌朔丁亥遣官釋奠于先師孔子○戊子祭大社

大稷○庚寅遣官祭歷代帝王○辛卯祭太歲風雲雷雨

嶽鎮海瀆山川月將城隍諸神○遣官祭旗纛

冬十月乙酉朔享太廟

十二月乙酉朔癸丑享太廟

洪武三十年春正月甲寅朔丙辰享太廟○丙寅大祀天

地于南郊

二月甲申朔丁亥遣官釋奠于先師孔子○戊子祭大社

大稷○遣官享先農

夏四月癸未朔享太廟

秋七月庚戌朔享太廟

八月庚辰朔丁亥遣官釋奠于先師孔子○戊子祭大社

大稷○甲午遣官祀歷代帝王○乙未祭太歲風雲雷雨

嶽鎮海瀆山川月將城隍諸神○遣官祭旗纛

冬十月己卯朔享太廟

十二月己卯朔戊申享太廟

洪武三十一年春正月己酉朔甲寅享太廟○壬戌大祀
天地于南郊

二月戊寅朔丁亥遣官釋奠于先師孔子○戊子祭大社
大稷○壬辰遣官享先農

夏四月丁丑朔己丑享太廟畢 上步出廟門徘徊顧立
指桐梓謂太常寺臣曰往年種此今不覺成林鳳陽陵樹
當亦似此因感愴泣下又曰昔太廟始成遷主就室禮畢
朕退而休息夢朕 皇考呼曰西南有警覺卽視朝果得
邊報 祖考神明照臨在上無時不存爾等掌祭祀宜加
敬慎日暮中使供洒掃奉神主恐有不虔當以時省視務

齋潔以安神靈

皇祖四大法十卷終

皇清四子

卷一



